

AUGLÝSING

um breytingu á gjaldskrá Bæjarveitna Vestmannaeyja fyrir raforku, nr. 214, 10. apríl 1989, með síðari breytingum.

Samkvæmt 25. gr. orkulaga nr. 58, 29. apríl 1967 hefur ráðuneytið staðfest eftirfarandi breytingu á gjaldskrá Bæjarveitna Vestmannaeyja fyrir raforku sem öðlast þegar gildi:

Liðir D1 og D4, orkugjald, hækki um 4,03%
Aðrir liðir gjaldskrárinnar eru óbreyttir.

Iðnaðarráðuneytið, 4. september 1989.

F. h. r.
Páll Flygenring.

Guðrún Skúladóttir.

REGLUGERÐ

um bann við veiðum smábáta í október 1989.

1. gr.

Á tímabilinu frá og með 12. október 1989 til og með 18. október 1989 eru allar fiskveiðar bannaðar á bátum minni en 10 brl., sem ekki hafa sérstök botnfiskveiðileyfi skv. 5. gr. laga nr. 3, 8. janúar 1988, um stjórn fiskveiða 1988–1990. Veiðibann þetta tekur ekki til báta, minni en 10 brl., sem fengið hafa veiðileyfi með aflahámarki skv. 2. mgr. B-liðar, C-lið og D-lið 10. gr. laga nr. 3, 8. janúar 1988.

2. gr.

Brot á reglugerð þessari varða viðurlögum samkvæmt ákvæðum laga nr. 3, 8. janúar 1988, um stjórn fiskveiða 1988–1990. Með mál út af brotum skal farið að hætti opinberra mála.

3. gr.

Reglugerð þessi er sett samkvæmt ákvæðum 10. gr. laga nr. 3, 8. janúar 1988, um stjórn fiskveiða 1988–1990 til þess að öðlast þegar gildi og birtist til eftirbreytni öllum þeim sem hlut eiga að máli.

Sjávarútvegsráðuneytið, 5. september 1989.

F. h. r.
Árni Kolbeinsson.

Jón B. Jónasson.